
Учкўприк туманида касаначиликка ўқитилган хотин-қизларга сертификатлар топширилди

Учкўприк туманида касаначиликка ўқитилган 50 нафар хотин-қизларга сертификатлар топширилди.

Жорий йилнинг 21 сентябрь куни “Хотин-қизлар бандлигини ошириш ва саломатлигини мустаҳкамлашга оид қўшимча чора-тадбирлар тўғрисида”ги Президент қарори қабул қилинди. Қарорга кўра, касаначиликни ривожлантириш орқали хотин-қизлар бандлигини таъминлаш бўйича “Фарғона тажрибаси”ни оммалаштириш, “Фарғона тажрибаси” бўйича касаначилик фаолиятини муваффақиятли йўлга қўйган тадбиркорлар томонидан маҳорат дарслари ташкил этиш белгиланган.

Шу асосда Учкўприк тумани маҳаллаларидаги хотин-қизлар фаоллари томонидан касаначилик фаолияти билан шуғулланишга лаёқати ва қизиқиши бор хотин-қизлар танлаб олиниб, ўқув курсларига тавсия этилди.

Оила ва хотин-қизлар бўлими ҳамда хотин-қизларни тадбиркорликка ўқитиш маркази томонидан ташкил этилган ўқув курсларида 50 нафар касаначиликка қизиқиши бор аёллар ўқитилди.

Туман ҳокимлигида ўтказилган тадбирда ўқув курсларини муваффақиятли тамомлаган хотин-қизларга сертификатлар топширилди.

Тадбир давомида уларга ўз фаолиятларини самарали йўлга қўйиш ва ривожлантириш, шунингдек, Вазирлар Маҳкамасининг жорий йил 14 октябрдаги “Касаначиликни ташкил этган тадбиркорлик субъектларини янада қўллаб-қувватлаш чора-тадбирлари тўғрисида»ги қарорида белгиланган имтиёзлардан фойдаланиш тартиби тўғрисида маълумотлар берилди.

2022-11-02 11:09:37